

Sel Prestuhn
Thomas S. Monson



Mihs, Tui

Sie lwen ah ke yac ekahsr somlah ah, tukun oruh orekma ke ohfohs ah, nga puhla sie puhlakihn na fokoko in muhtwacta nuh yurin sie katinmas mahtuh suc kaul ke sie acn in karihngihnyuck luhn mwet mahtuh fin acn Salt Lake City. Nga kahsrhuhr suwohswohs nuh we.

Ke nga som nuh infuckihl lal ah, wacngihn mwet nga sokwack we. Nga siyuck sin sie mwet karihngihn ah acn el oasr we uh ac kolyuclac nuh ke sie acn in monglac. Nga sokwack katinmas na wowo se inge muhta yurin tahmtahel se wiyacl ac sie pac kawuck we. Kuht tuhkwani oruh sie asramsrami na wowo.

Ke kuht sramsram ah, mukul se tuhkuh nuh ke sruhnguhl ke infuckihl sac in eis soko kola ke insin in kola se. El ngwetma nuh sihk ac fahk, “Pai, kom pa Tom Monson.”

“Ahok,” nga topuk. “Ac atom oacna sie Hemingway.”

El ahkkahlwemye lah el pa Stephen Hemingway, wen nahtuhl Alfred Eugene Hemingway, suc tuh oruh mwet in kahsrh se luhk ke nga tuh sie pisap yac pucspucs somlah ah ac suc nga pahngon Gene. Stephen el fahk nuh sihk lah pahpah tuhmwacl ah oasr pac lun lohmsac ac el apkuhran in misac. Gene el fihlfihlin pahngon inek, ac sucu uh kena sruokyucwi tuhsruhktiacna kuh in sokwack nacmpuh in tacluhfon luhk.

Nga sana sekihnyuclac ac weluhl Stephen nuh lucng ke infuckihl luhn mwet kahsrh mah se luhk ah, ma tuhlih nahtuhl sahyac ah tuhkwani pac we, muhtwacnkiyacl ah misac ke yac ekahsr met ah. Mwet ke sucu

an nuhnkuh toeni se luhk yohrohl Stephen lun acn in monglac se ingacn oacna sie top yurin Pahpah tuhmasr Inkuhsrao nuh ke kena yohk lalos tuh ngan liye pahpah tuhmwaclahl an met liki el misac ac topuk pahnglal. Nga puhla pac lah pa inge ma sikyak uh, tuh fin Stephen el tiacna utyak nuh infuckihl se ma nga muhtwacta we ah ke pacl se ma el oruh ah, ngwac tiacna etuh lah Gene el oasr lun lohmsac.

Kuht sang sie mwe insewowo nuh sel. Sie nguhn ke mihs tuhkuh. Kuht oruh sie muhtwacta na wowo, tohkohyang na nga som.

Lututacng tohkoah ah sie pahng ke tacluhfon fahkwack lah Gene Hemingway el misac—kena minit 20 tukun el eis mwe insewowo se sihk ac mukul se nahtuhl ah.

Nga ahkkahlwemye sie pruhe mihs ke kuloh nuh sin Pahpah Lucng ke kolyuck Lal, suc pihrihk muhtwacta luhk nuh ke acn in karihngihn sac ac kolyuc nuh yurin kawuck sacohk se luhk ah Alfred Eugene Hemingway.

Nga luhngse in nuhnkuh lah nuhnak lal Gene Hemingway ke ekuh sac—ke kuht puhlakihn Nguhn uh, wi ke pruhe puhsisac, ac ahkkahlwemye sie mwe insewowo ke pristut—fahk kahs sruhmuhnyuck lun puk in on uh “Mwet Luti Fuhlwacl, Mwe Sruh Uh Upaclah”:

Kahkahrhik, O Mwet Molwelah wowo!

Tiac sifil muhlikihnyuclac,

Ac ke engan nga fah orwaclah inmolsron wowo

Ac monglac fin pe acn engan uh.

Nga srwackna luhngse on in alu soko ah ac fahkwack ke ahkwoye kac uh:

*Finne kasrkuhsrak ke pahkah inkof uh
Kuh ma koluk kuh mwet uh kuh oacna sie ma,
Wacngihn kof kuh in ohkohmlah acn ma oak uh oan we.
Mwet Kol luhn meoa ac facluh ac acn lucng.
Elos nuh kwewa fah ahkos kena lom:
Mihs lac, tui.¹*

Ke sronin muhta ac ma upac uh, ke sahngweng ac ahsor uh, ke kweok ac muhkahimtacl ke wacngihnlac luhn mwet luhngse uh, pwacyena lah moul uh ma paht-paht. Leum ac Mwet Lahngo lasr pa mwet lohoh moul lah ma ingacn pwacye.² Kahs Lal ke ma sihmlac muhtahl uh fal: “Kowos in tiac sifil mweun, ac etuh lah nga God” (Psalm 46:10). Nga fahkwack ke ma pwacye inge.

MWE KAHSRUH

1. “Master, the Tempest Is Raging,” *Hymns*, no. 105.
2. Liye Richard L. Evans, “So Let Us Live to Live Forever,” *New Era*, Julahe 1971, 18.

LUTI KE PWENG SE INGE

Pweng se inge kuh in ahkweye mwet suc wacngihnlac mwet luhngse la ke misac kuh elos suc puhlakihn sie ma upac. In weacng pweng lal Prestuhn Monson, nuhnkuh in akacsruhi sie sin ma suhmuhslah ten inge, yohkna ke enenuh luhn mwet kom luti an: Job 19:25–26; 1 Mwet Korint 15:19–22; Mosiah 24:13–15; Doctrine and Covenants 122:7–9. Fin pihrihkyuck, kom kuh in fahkwack ke mihs ma Mwet Lahngo el usot nuh sum ke pacl upac lom uh.

MWET FUHSR

Nuhnak Muhnahs Onwelah Insiyuck Sel Kelsey LeDoux

Ke yac se ke misac luhn tamuhlwel se wiyuck ah, nga nuhnkuh ke moul luhk ke el misac ah. Nga tiac esam muhkwen a kweok yohk nga puhlakihn ah tuh-sruh mwe insewowo pac ma God el use nuh sihk ah.

Nga tiacna kahlwem ke ohiyac ma mwet uh kuh in fahk lah misac luhn sie mwet luhngse kuh in use mwe insewowo uh. Nga tiac kuh in kahlwem kac lah ngwac engan ac tarilacna fuhkah ke sie ma ma ahkngalyeyuc arlac loal. Oasr sie fong, ke ma inge, ma ekuhllah nuhnak luhk uh nohfohn.

Nga tuhkahkwek ke tacfuhn fong uh ke inse toasr nga tuhfhahna puhla. Kweok uh nwekyuclac. Nga puh-tati nuh intwek ac tuhngiyac sie pruhe nuh sin Pahpah tuhmuhk Inkuhsrao. Ke moul luhk nohfohn lutiyuck nga ke lwaclah ac mwenmwem ke kuh in onwelah luhn Jisus Kraist. Ingena luhlahlfongi luhk uh srihkeyuck. Yac nga luhlahlfongi na pwacye? Nga siyuck sin Pahpah tuhmuhk Inkuhsrao in nuhnak muhnahs onwelah insiyuck. Kweok kac uh arlac upac nuh sihk in muhkwen a puhlakihn.

Na sie puhla ke mihs, ahkwoye, ac luhngse nwacklah monuk nohfohn. Nga puhla oacna God elan puhnlah pahol rauniyucyak ac karihngihnyucyang liki kweok upac nga puhlakihn ah. Nga srwackna ahsrwella ta-muhlwel se wiyuck ah, tuhsruh nga kuh in liye ke siena ahtron muhta. Arlac yohk ma nuh sihk in luti ke puhlakihn se inge.

Nga etuh lah luhngse ac mihs luhn Leum uh oasr. Kuht enenuh muhkwen a in ipeis.

TUHLIHK SRIHSRIHK

Sulacrah in Tui

Prestuhn Monson el fahk lah ke kuht tui ac efahl uh, kuht kuh in puhla mihs ac eis sie fahkwack luhlahlfongi fokoko ke Pahpah tuhmasr Inkuhsrao. Ac Nguhn Muhtahl kuh in pihrihk kuht wo ke inkacnek kuht kuh in kahsrh mwet sahyac uh.

Suhmuhslah kuh sramsramkihn yurin pahpah ninac kiyom an sie inkacnek ma kom kuh in tui. Na eis pacl ke wik se inge in srihke. Tukun kom oruh an, kom kuh in suhmuhslah lun journal nuhtum ah ke puhla ac pihrihk kom puhlakihn an.



Luhlalfongi, Sucu, Kahsruh

In Orekma

Lutlukihn kuhfa inge ac, ke pacl fal, sramsramkihn yurin tahmtahel ma kowos muhtwacta nuh yohroh an. Orekmakihn kihsen siyuck an in kahsrwe kowos ahkkweye tahmtahel wiyowos an ac in oruh Rilif Sosaiti in ip utuftuf se ke moul lowos sifacna an. Nuh ke kuhtuh pac ma in etuh, som nuh ke www.reliefsociety.lds.org.

Mwet pahluh lasr, Prestuhn Thomas S. Monson, el ahkkweye kuht in “saplakyang in kahsruh mwet suc enenuh kahsruh lasr ac sruhkuhltahlwack nuh ke inkacnek fuhlwact ac wowo uh. Esam lah orekma luhn Leum pa inge, ac ke kuht oruh kuhlwaconsap luhn Leum uh, oasr suwohs lasr nuh ke kahsruh luhn Leum.¹

Yac pucspucs somlah ah LaVene Call ac companion in forfor luti se lal ah muhtwacta yurin sie tahmtahel suhkwac alu. Elos tongtong ke sruhnguhl ah ac sokwack sie ninac fuhsr ke sie nuknuk in yuyu fucsr-fucsr lal. Mas atacl, tuhsruhk elos sa akihlen lah elyah lal an pa mwe sruhi. Mwet forfor luti an muhta ac sramsram yurin ninac fuhsr upac nuh se se ingacn.

Tukun elos som ah, elos fahk, “El pa sie tuhlihk nuhtin God. Oasr kunohkohn se lasr in kahsrwel.” Na elos muhtwacta fusus. Kais sie pacl, elos kuh in liye ac puhla sie eklac nuh ke ma wo. Elos siyuck tahmtahel sac in wi Rilif Sosaiti. Finne el tiac ke, el kais kuhtuh ne welah lwen nuh kwewa. Tukun ahkkweyeyuck, el ac mukul tuhmwacl ac tuhlihk muhtwacn se nahtuhl wi alu

ah. Mukul sac puhla Nguhn Muhtahl. El fahk, “Nga ac oruh ma pisap el ngihstre uh.” Ingena elos fokokoi ke Alu uh ac siliyucki lun tempuhl.²

Ke Ma Suhmuhsrah uh

3 Nephi 18:32; Doctrine and Covenants 84:106; 138:56

Ke Sramsram Mahtuh Lasr

Kahsruh mwet suc tuhlacl in fohlohk nuh ke wosasuc luhn Jisus Kraist pa ip ke in sie Mwet Luhlalfongi ke Lwen-sahflah lwen nuh kwewa ac sie mempucr luhn Rilif Sosaiti. Prestuhn Brigham Young (1801–77) el fahk, “Lwelah in oasr pahkomuhta lasr nuh sin kais sie, . . . ac lwelah elos suc kuh in kol mwet kun uh nwe ke elos kuh in sifacna liye inkacnek uh.”³

Eliza R. Snow, prestuhn luhlalfongi ahkluo luhn Rilif Sosaiti, tarilacna in akihlen kuhiyen tahmtahel fin acn Ogden, Utah, USA, in ahkkweye sie sin sie. “Nga etuh na pwacye lah sie ohiyac wowo emet pa in [ke ohiyacn kuhlwaconsap] ma tena sun puk in [sihmlac] uh,” el fahk. Tuhsruhk akihlen lah sie ma suhmuhsrah inkuhsrao liyeyuckyang ke orekma luhn tahmtahel

uh ke elos kahsruh insiyacn mwet suc koluklac uh, el fahk: “Prestuhn Joseph Smith el fahk lah u se inge oreklac in molwelah nguhna uh. . . . Sie pac puk liyacacng luhlalfongi lom, kuhlwaconsap lom, orekma wowo ac kahs lom uh. . . . Wacngihn ma muhlikihyucklac.”⁴

MWE KAHSRUH

1. Thomas S. Monson, “The Sacred Call of Service,” *Liahona*, Mei 2005, 55, 56.
2. Lwacta nuh sin prestuhn luhlalfongi luhn Rilif Sosaiti sin tuhlihk muhtwacn fin acn La Vene Call.
3. Brigham Young, ke *Daughters in My Kingdom: The History and Work of Relief Society* (2011), 107.
4. Eliza R. Snow, ke *Daughters in My Kingdom*, 83.

Meac Nga Kuh In Oruh Uh?

1. Kuh nga kuh in siyuck sin sie tahmtahel suhkwac alu in wiyuc nuh ke miting luhn Rilif Sosaiti uh?
2. Yac tahmtahel nga karihngihn uh puhla wo in siyuck kihsen siyuck sihk ke wosasuc uh?